

DISPVATIO INAVGVRALIS MEDICA,

EXHIBENS

HEMITRITÆVM

SIVE

TERTIANAM MALIGNAM,
GRAVISSIMAM ET VEXATISSIMAM COMPO-
SITARVM FEBRIVM SPECIEM.

QVAM

RECTORE VNIVERSITATIS AC PRO-CANCELLARIO,
*VIRO MAGNIFICO, MAXIME REVERENDO, ILLVSTRI, AMPLIS-
SIMO ATQVE CONSULTISSIMO,*

DOMINO

CHRISTOPHORO IGNATIO
DE GVDENVVS, J. V. D.

INSIGNIS ECCLES. COLLEG. S. SEV. CAN. CAP. ET SCHOLAST. EMINENT. AC
CELSISS. PRINC. ELECT. MOGVNT. CONSIL. ECCLESIAST. EJVSDEMQVE
PER THVRING. IN SPIRIT. SIGILLIFERO,
GRATIOSO MEDICORVM ORDINE IN HAC PERANTIQVA
HIERANA INDVLGENTE,

SVB PRÆSIDIO

DN. D. JOH. ANDREÆ FISCHERI,

CONSIL. ET ARCHIATR. ELECT. MOGVNT. FACVLT. MEDIC. SENIORIS,
ET PATHOLOG. ATQVE PRAX. PROF. PVBL. PRIM. NEC NON
MED. PROVINC. DVCAL. ISENAC.

PATRONI, PROMOTORIS ATQVE HOSPITIS SVI SVMMOPERE
DEVENERANDI,

PRO GRADV DOCTORIS

ATQVE PRIVILEGIIS ET IMMVNITATIBVS HVIC DIGNI-
TATI COMPETENTIBVS LEGITIME OBTINENDIS,

PVBLCÆ ERVDITORVM VENTILATIONI SVBMITTET

AVTOR

HEINRICVS DANIEL *Ußmann / Lignicens. Siles.*

DIE XXVII. APRILIS ANNO M DCC XAVI.

IN AVDITORIO MAIORI, COLLEGII MAJORIS, HOR. CONSVET.

ERFORDIÆ, Typis GROSCHIANIS, Acad. Typogr.

THE UNIVERSITY OF CHICAGO

INVENTION

THE UNIVERSITY OF CHICAGO

CHICAGO, ILLINOIS

CHICAGO, ILLINOIS

CHICAGO, ILLINOIS

CHICAGO, ILLINOIS

CHICAGO, ILLINOIS

CHICAGO, ILLINOIS

CHICAGO, ILLINOIS

CHICAGO, ILLINOIS

CHICAGO, ILLINOIS

CHICAGO, ILLINOIS

CHICAGO, ILLINOIS

CHICAGO, ILLINOIS

CHICAGO, ILLINOIS

CHICAGO, ILLINOIS



PROOEMIUM.



Anta sanè tamque ingens est morborum genus humanum miserrimè affligentium varietas, ut, qui omnes & singulas ipsorum species specialissimas, sub peregrinâ ac milleformi ferè symptomatum larvâ plus simplici vice occurrentes & recurrentes, recensere velit, merito stellas poliguttasque pelagi dinumerare, aut rem omnino infinitam emetiri videatur. Quanquam enim, à primis artis nostræ incunabulis ad hæc usque tempora, omnis fermè ætas studii & stadii Medici in exploranda ipsorum diversa indole vel maxime occupata fuerit, nec adhuc etiam deficient Viri solertissimi & acutissimi, qui & colligendis & cum publico communicandis innumeris pariter observationibus, totos sese mancipaverint; nondum tamen vastissimum illud exhaustire licuit mare, quin indies plures & inauditas addendi ac producendi amplissima procedat occasio.

Talem vero præ omnibus aliis admodum foecundam subministrat inprimis proluxa FEBRIVM classis, quæ numerosissima non solum, sed & dirissima insuper ac sæpius periculosissima nobis offert morborum schemata, ut propterea quoque solam hanc non ineptè Medici phrontisterium atque palæstram nuncupare liceat, quoniam inexhaustarum semper dives est novitatum, in quarum dilucidatione iudicii & experientiae vigorem optime exercere potest sedulus Hippocratis alumnus. Hic enim invenies ægrotantes quamplurimos, modo de insolito frigore & totius corporis horrore, citra causam aliquam externam, conquerentes, modo sub ferventissimo æstu sitique plusquam Tantalea miserrimè sese excruciantes, modo gravissimè delirantes, modo denique aliis pariter horrendis symptomatibus simul laborantes & Proteiformi sævissimarum calamitatum vicissitudine Medicis ipsis haud raro imponentes, quorum tortura propterea non per unam saltem septimanam durat, sed in multos sæpe menses protrahitur, & rarò admodum, nec semper ex voto medicamentis iterum deliniri potest.

Inprimis autem illas *febrivm* species propterea maxime reformidamus, quæ inter initia levissimis semper signis ac symptomatibus suam occultant malitiam, ut difficillime dignosci queant, postmodum vero, ubi tuta ac secura omnia putantur, statim funestè decurrere ipsamque repentinam mortem introducere solent, ac ita *malignarum* titulum merito obtinent, quoniam non solum generi humano gravissime insidiantur, sed maximam insinul mortalium stragem quoque

infe-

inferunt, idque eo magis, ubi fortassis *complicatae* & ex aliis itidem perniciosis morbis *compositae* fuerint: Tales enim Theoretico non solum in investigatione, sed & ipsi Practico Medico in curatione molestissimas utplurimum obijciunt difficultates, omnesque corporis humani actiones usque adeò confundunt & turbant, ut nullum ferè recreationi relinquatur momentum.

Quoniam igitur ex harum coetu atque numero ipse quoque HEMITRITÆVS, sive ita dicta *Tertiana maligna*, est, ejusque natura & indoles non modo olim, sed & adhuc satis intricata deprehenditur, Medicumque pariter ac medicamenta haud simplici vice perfecte eludit; hinc placuit, consensu GRATIOSÆ FACULTATIS MEDICÆ in ejusdem genium & causas penitius inquirere, brevemque simul curandi methodum adjicere & omnia circa rariorem hunc morbum occurrentia symptomata in *Dissertatione Inaugurali* publicè brevissimis exponere.

Deum autem T. O. M. antea supplex humilisque veneror, ut conatibus hisce levissimis ex alto benedicere, eosque in proximi semper salutem quam clementissimè dirigere dignetur.

§. I.

HEMITRITÆI nomen à Latinis quidem hætenus usurpatum & apud plerasque gentes retentum, non latinum tamen sed græcum origine suâ est, ex vocabulis *ἡμιος semis* & *τρίαις tridius* seu *tertianus*, compositum, hincque unico alias vocabulo *semitertiana* ab aliis expressum; quoniam ratione originis ex mixtura Tertianæ Intermittentis, & quotidianæ continuæ oritur, & totius

naturæ suæ partem dimidiam utramque prædictarum f
brium habet, ita ut tota natura sua confundantur, & a
cessionibus permisceantur; hinc schema cujusdam mor
bi *mixti & compositi* exhibet, insimulque Tertianæ Malignæ
ob vehementiam & periculum, denominationem obtine
Est enim communiter mali imò pessimi moris, hæc febris
& licet exquisitum quidem non ostendat contagium, ne
semper epidemica evadat, aut, pagos & urbes depopulan
do, stragem violentam exercere & cœmeteria saginare in
tendat; tamen multifariis aliis iisque satis vehementibus
anomalis, imò plane periculosis communiter stipata et
symptomatibus, quibuscum tyrannidem suam in miser
hominum corpora exercet, tantasque simul in ipsâ etiam
Therapiâ involvit difficultates, ut omnium *compositarum fe
brium gravissima* propterea optime dici mereatur; nec Ger
manorum etiam denominatio rejicienda, quâ ipsam ein hi
ßig Dreyßigiges Sieber/ vel ein böß artig hißig Dreyßigiges Sieber
hactenus appellare sueverunt. Plura qui de Etymologia
horum vocabulorum desiderat, GALENUM *Lib. II. de differ
febr. & Lib. de Typis*, AGATHINUM in *Lib. de Semitertianâ*, RON
DELETIVM *Tr. de febribus curandis, cap. proprio de Semitertianis*
& AMATVM LVSITANVM *Cent. III. curat. 95. evolvat.*

§. II.

Differt autem hæc febris tum in se spectata, tum quo
que in relatione erga alios ejusdem generis morbos consi
derata, vario plane modo; in se enim alia est *exquisita*, alia
minus exquisita: Prior, de quâ etiam hic loci potissimum
sermo erit, ex *febre tertiana intermittente & quotidianâ conti
nuâ*, æqualiter inter se mixtis & compositis, oboritur, at
que horrorem non semper intensum nec adeo diutur
num, sed, intermediis præprimis diebus, brevi transeun
tem, exhibet, æstus vero evidentior & immoderatio
rem, sitimque fere inextingvibilem, sub gravissimis capi
tis doloribus, mentisque alienationibus infert, jugiter insu
per & absque ullâ fere remissione. continuat ac tandem ci
tius

tius non solum ad statum pervenit, sed simul quoque cum excretionibus biliosis ut plurimum terminatur; posterior vero, quam *improprie* tantum *semitertianam* vocârunt veteres, ex quotidianâ intermittente & tertianâ continuâ, inæquali proportionem sibi junctis, communiter constat, ita, ut tam quoad symptomata, quam quoad causas, magis ad indolem intermittentis, quam continuæ, accedere videatur, atque hac ratione quotidianam intermittentem perfectè prædominantem & per tertianam continuam leviter tantum excitatam, sistat, causamque simul magis pituitosam, quam biliosam, referat; hinc cum exquisito semper & graviore horrore incipit, leviozem vero æstum, sitim & agrypniam inducit, citius remittit, citiusque iterum redit, plures ac magis ordinaros paroxysmos producit, & demum excretionem mere pituitosam superinducit. Verbo: *Exquisita semitertiana* indolem continuarum in omnibus circumstantiis magis refert, sed simul periculosioribus atque gravioribus symptomatibus stipata est; *spuria* autem, five *minus exquisita*, ad intermittentium genium propius accedit, crebriores tamen paroxysmos format, & difficilius quoque curatur.

§. III.

Proinde differt etiam *Hemitritæus* exquisitus quoad gradum & magnitudinem, atque hujus ratione distinguitur in *exiguum* five *minorem*, *medium* & *magnum*: Minor juxta GVAINERIVM, levissimus est, & periculosi fere nihil portendit; adest enim in ipso molesta tantum capitis gravitas, & ad somnum perpetua dispositio, à quo si evigilant patientes, stuporem quendam in moralibus & vitalibus actionibus persentiscunt, ac propterea, si inprimis temperamentum torpidum concurrat, interdum ad affectus comatosos, & præcipuè *Lethargum*, inclinant, teste FORESTO *Lib. 5. Observ. 18. in Schol.* In paroxysmo, ab ipso communiter per 24. horas subjecta talia detinentur, paucus tamen sentitur æstus, sed prævalet frigus; Urina est lubruffa, spissa & livida,

da, alvi secessus inconstans & per intercedentes vomitus bilioso-pituitosos quodammodo turbatus, reliqua omnia vero satis placida observantur.

§. IV.

Medium quod attinet *Hemitritæum*, ille omnia quidem de minori jam jam recensita symptomata, sed in vehementiori paulo gradu exhibet, atque insimul diutius durat, si quidem ipsius paroxysmi vix intra triginta sex horas finiuntur, majorique semper æstus fervore subjecta sua torquent. Magnus tandem omnium favissimus existit & periculosissima semper consecutaria inducit; rarior quidem est, sed gravitate suâ hanc raritatem compensat, dum sæpissime funestum sortiri solet eventum, præprimis si tempore pestis occurrat, ubi ipsum ferè semper lethalem observavit BENEDICTVS FAVENTINVS in *Empirica sua*, ut propterea quoque merito *Tertianæ malignæ* titulus ipsi præ aliis competat siquidem etiam de eo in præsentiarum specialissime nunc agere constituimus.

§. V.

Magnus autem hic *Hemitritæus*, licet ipse sit morbus quidam *compositus*, tamen ab aliis sui generis compositis morbis vel maxime differt, & quidem speciatim à *Tertianâ continua*, cujus indoli alias proximè accedit, (1) sese distinguere solet *paroxysmorum duratione* qui in hac nullam plane intermissionem servant, dum æstus præternaturalis ab unius paroxysmi fine semper usque ad alterius novi initium jugiter continuat; tum exacerbatio tertia quoque die contingens, aut rigore sine horrore periodico fit: in *Hemitritæo* autem ad aliquot horarum spatium manifeste remittit, sed simul etiam diutius continuat, & ad quadraginta octo horas haud raro protrahitur, reduplicato postmodum horrore novam febris accessionem significante (2) quoque differunt ipsâ *origine* dum tertiana continua ex duabus *simplicibus*, intermittente nimirum & acuta, *Hemitritæus* vero ex *simplici* & *composita*, sive intermittente & continua putrida communiter coalescit; (3) discrepant sym-

pto-

ptomatum gravitate, quæ semper in Hemitritæo pejora sunt, quam in continuâ, prout ex proxime subsequen-
tibus hoc patefiet; (4) denique distinguuntur *eventu*, qui in Hemitritæo, propter favitiam aliorum accidentium, magis periculosus atque funestus esse solet, quam in tertiana continuâ.

§. VI.

Pariter quoque facili negotio idem noster morbus distinguui potest à *tertiana duplicata*, partim ratione *conditionis* & *qualitatis* paroxysmorum, qui non singuli, sed tantum alterni sibi respondent in duplicatâ, cum contra in Hemitritæo omnes æquales, atque insimul longe vehementiores ac diuturniores sint; 2.) etiam inter se differunt hi affectus, ratione *recursus* paroxysmorum: Noster enim Hemitritæus altero semper die, ubi sola ferè quotidiana continua scenam suam ludit, remissioris indolis est, tertio vero, si intermittentis tertianæ impetus accedat, gravior omnino redditur & ita usque ad primum iterum diem per quadraginta octo horarum spatium continuat, & in hoc demum aliquantulum remittit; duplicatæ autem tertianæ paroxysmus singulis diebus recurrit & breviori insuper spatio terminatur. Taceo, quod Tertiana duplex sit de genere intermittantium; Hemitritæus vero de genere continuarum, quæ tertio quoque die exacerbantur, cum graviorum malorum accessu.

§. VII.

A *Causo* denique differt Hemitritæus partim quoad *exacerbationes*, partim vero quoad *evacuationes*; Illæ enim in Causo plane *continuae* sunt, & cum summa præcordiorum anxietate insimul sitim ita dictam clamosam, cardialgico-lipothymica mala sæpissime excitantem, atque ardorem vehementissimè urentem, ventriculi regionem inprimis infestantem, exhibent; in Hemitritæo vero æstum non nisi extraordinarium, Cephalalgiam pertinacissimam, aliæque ab his maxime diversa symptomata introducunt atque altero semper die, ad aliquot horarum spatium, re-

B mittunt,

mittunt, ita ut quasi intermittere videantur, & ita longe alias insuper *causas*, quam quidem in priori isto morbo occurrere solent, necessario agnoscunt. Pari modo etiam diversi sunt hic affectus quoad *excretiones*, quæ in *Causa* ut plurimum plane planeque suppressæ sunt, ita ut alvus vel planè adstricta sit, nullaque ad vomitum propensio unquam observetur, sed materia peccans & noxia conclusa potius detineatur; in Hemitritæo autem tales semper fere liberi succedunt & materiam bilioso-pituitosam modo per vomitum, modo etiam per alvum, cum insigni agrotantium emolumento, ordinariè excludunt.

§. VIII.

Ast, objiciet nunc aliquis, Hemitritæum ad minimum speciem quandam *februm biliosarum* esse, quoniam eandem cum ipsis causam, easdem excretiones, imo eosdem fere paroxysmos exhibere videatur, horumque intuitu totus ad hanc Classem referri mereatur. Huic vero respondemus, adesse quidem aliquam inter hos affectus convenientiam, sed non ita exactam nec omnibus numeris absolutam: *causa* enim *materialis* utrorumque tantum eadem, nempe *bilis*, est, sed biliosæ febres talem magis sinceram atque puram, Hemitritæus vero cum pituitâ aliisque impuritatibus commixtam exhibet, ut ita in totum adhuc circa ipsam differant; sic etiam excretiones aliquo modo in illis variant, dum agrotantes sub *febre biliosa* communiter sinceram bilem eamque causticam, fauces arrodentem, excoriantem, raucedinem inducentem, dentes stupefacientem, & cum pavimento calcarico aut nuda etiam terrâ effervescentem, evomunt atque deijciunt; in Hemitritæo autem saburram tantum biliosam multâ pituitâ interspersam, nullumque propterea arrosionis sensum inferentem, ordinariè excernunt; hinc quoque ipsi horum affectuum paroxysmi itidem inter se discrepant, dum in febribus biliosis non solum continui, sed insuper quoque æquales sunt, & unum eundemque gradum afflictionis servant; in Hemitritæo vero tertio semper

per die magis insolescunt atque insimul plura & periculosa symptomata tunc secum vehunt. Nec obstat, quod ipsa *febris tertiana intermittens*, ex quâ affectum nostrum compositum esse novimus, jamjam ab Antiquioribus, ipsis biliosis annumerata fuerit, cum tale quid sine omni fundamento & ratione factum esse, ipsa experientia saniori iudicio suffulta satis superque commonstret.

§. IX.

Præmissis nunc iis, quæ ad differentiam affectus nostri spectare videbantur, ne speciosa nominum veneratione res ipsas negligamus, ad intimiorem Hemitritæi lustrationem pergimus, quam à *Diagnosi* merito ordimur. In genere igitur omnia illa signa, quæ alias tertianam intermittentem comitantur, etiam semitertianæ nostræ conveniunt, teste GALENO *Lib. de Typis*, quoniam eandem fere causam materiales agnoscunt, & ipse Hemitritæus quandoque à tertianâ productâ & lentescente oboritur, atque, si solutus sit, facillime iterum in talem tertianam degenerat; at, ob conjunctum simul quotidianæ continuæ typum, alia insuper specialissima symptomata infert. Hinc invadit communiter cum horrore & rigore insigni, summo mane se se manifestante, ac per plures horas indefinenter continuante, plurimumque cum vomitu biliosæ, nigricantis ac pituitosæ saburræ terminante; huic succedit dein æstus satis vehemens & duplo diutius fere affligens, cum frequenti inhorrescentia, unde etiam HIPPOCRATI I. *Epid. S. I. φεινάδης* s. horrida dicitur cum lingvæ & oris molestâ siccitate, siti aucta, sapore amaricante in faucibus, vigiliis continuis, anxietate præcordiorum, doloribus capitis, speciatim vero frontis, aurium & temporum molestissimis, una cum surditate gravissima, conjunctus. Adest agrypnia extraordinaria, mentis alienationes atque deliria haud raro insimul excitans & per totam primam noctem ægrotantes gravissime detinens, & tandem circa meridiem secundi diei aliquantis per remittens.

§. X.

Hac vero exoptatissima remissione per breve admodum temporis spatium fruuntur patientes, quoniam per actis vix duabus vel tribus horis novo quodam paroxysmo infestantur, qui, quotidianæ continuæ typum maxime servans, cum frigore leviori ac breviori incipit æstusque dein pariter satis moderatum, cum angustia tamen aliquâ præcordiali, virium insigni prostratione, capitis temulentia, appetitus plenaria prostratione sitique extraordinariâ conjunctum, inducit, nec unquam prius nisi tertio die circa diluculum remittit, profluente tunc sudore paulo copiosiori, omniaque præcedentia symptomata notabiliter imminuente, ut ita in remissiori tali statu patientes iterum aliquot horas transigere possint, donec prior paroxysmus tertianario-quotidianus de novo accedat ipsosque iterum solito more gravissime exerceat.

§. XI.

Tali igitur ratione à tertio ad tertium diem semper nova formatur hujus febris accessio, & quilibet paroxysmus ad quadraginta sex horas ad minimum protrahitur, ita tamen, ut circa initium, per totum plane primum diem, gravioribus longe ac periculosioribus symptomatibus stipatus sit, quam reliquo tempore, quia tunc tertiana & quotidiana febris simul concurrunt & patientes affligunt, intermedio autem die sola quotidiana continua quæ alioquin semper remissior est, scenam suam ludit. Hinc sapissime primis istis accessibus sævissima quoque alia interdum junguntur accidentia, veluti gravissimæ hyperemeles aut hypercatharces maxime biliosæ, partium nervosarum convulsiones atrocissimæ, virium resolutiones lipothymicæ & syncopticæ, lipyria, linguæ nigrities & ariditas aliaque truculentiora pathemata, quorum intuitu febrem hancce merito *malignam*, omniumque compositarum *gravissimam*, ob typum ejusdem undecunque valde periculosum, appellare possumus, de cujus etiam tyrannide

nide Observationes FORESTI, specia tim vero *Lib. V. Observ.* 15. 16. 20. & 21. tristissima sistunt exempla, quin imo, ipsa quoque tertiana exquisita interdum Semitertianæ huic supervenire, & tunc febris cujusdam intricatæ maximeque confusæ schema exhibere solet, qualem non solum GALENVS *Lib. II. de Crisibus cap. 9.* & ex eo CAMPEGIVS in *campis historialibus Galeni*, sed & prædictus FORESTVS *l. c. Observ. 17.* accurate delineatam nobis sistunt.

§. XII

De reliquo *pulsus* per totum hujus febris decursum est magnus & frequens; *Urina* in principio rutilantem vel aurantium colorem refert, atque infimul mediocriter tenuis est, in statu vero turbida & crassior apparet, & in superficie aliquid nigredinis aut viridiusculi exhibet, in declinatione vero sedimentum tenue mucosum deponit, & tunc ad naturalem colorem & consistentiam denique redit. *Subjecta* interim, quæ huic febri plus exposita sunt, varia utique dantur; ratione *sexus* enim, virilis, ratione *ætatis*, juvenilis & adolescentilis, ab anno decimo quarto ad trigesium circiter, maximam ad talem morbum habent dispositionem. Quoad *vita genus* inprimis illi, qui vitam otiosam ac sedentariam agunt, & diætæ lautæ atque vinosæ adsveti sunt, aut ad hanc ex laborioso & duriori vivendi genere transeunt, veluti mercatores victum prius cursitando quærentes, postea vero, ubi ditiores facti sunt, ab exercitiis & laboribus desistentes totosque sese quieti & otio tradentes, aut ipsi etiam Baccho frequentius litantes, potulentisque spirituosus sese inebriantes, præ reliquis in Semitertianam, sunt propensi; quemadmodum Ecclesiasticorum, Nobilium, Aulicorum, Juvenum, Otiosorum, opipare viventium exemplo constat. Quibus porro accensendi calidas regiones inhabitantes, & qui longa morborum afflictione tonum ventriculi prostratum, crudosque & indigestos humores intra primas vias congestos habent, unde cacochilia putris ad motus febrilis valde proxa subnascitur.

§. XIII.

Temperamentum porro quod attinet, inprimis Cholericis & Choleric-Melancholicis infensus solet esse hic morbus, tanto magis, si affectibus aliis biliosis jam adfueti sint tales, & vitæ genus motui assuetum in tranquillum mutaverint, id quod inter alios expresse testatur SAVANAROLA, his verbis: *Qui enim consuetus est bilem multiplicare, & biliosas pati ægri- tudes, ratione sui temperamenti & regiminis vivendi, & se con- vertit ad aliud regimen, pituitam coacervando, hic in Hemitritæon incidit. Exempli gratia, quando quis biliosus ac pauper, utens cibus acutis, seque vigiliis consumat, laboribus & exercitiis sese emaciet & inediam patiatur, ut ad statum excellentiorem perveniat; post- modum vero ubi talem nactus est, quiete & otio utatur, cibusque multis & diversis ferculis pituitam gignentibus, per viam indige- stionis plus solito sese replens, lautiusque vivens, talis ut plurimum in Hemitritæum labitur. Ratione temporis denique, autumnale præ reliquis producendo huic morbo quam maxime fa- vet, non exclusis tamen vernali & æstivo, si præprimis hu- mido-calida aeris intemperies in ipsis prædominaverit; sic etiam tempore pestis sæpius occurrunt tales Febres, te- stimonio FORESTI l. c. Obs. 19. in Schol. & tunc juxta BENE- DICTVM FAVENTINVM in §. IV. jamjam citatum, pejoris semper, imo lethalis plane indolis esse observatur.*

§. XIV.

Proposita sic brevibus morbi *historiâ* atque *diagnosi*, ope- ræ pretium nunc erit, ut in ipsius causas & originem spe- cialem inquiramus, atque *Ætiologiam* phænomenorum ha- ctenus recensitorum exhibeamus. Non placet autem morosius immorari recensitioni & refutationi istarum sen- tentiarum, quas Veteres Medici passim de bile intra venas, & pituita extra ipsas putrescentibus, aut cum humore melancholico sese commiscentibus febremque talem in- tricatum postmodum producentibus, adducunt, quoniam solis tantum præjudiciis superstructæ sunt; sed nostram sta- tim de genuina hujus affectus origine & fundamento de- monstrabimus opinionem, ne inutilibus verborum litigiis bre-

brevissimas hasce pagellas tantum adimplere, & solidiora negligere velle videamur.

§. XV.

Causam igitur *materialem* hujus febris constituit primario Massa sanguinea in *quantitate* & *qualitate* depravata, secundario autem *saburra* quædam viscida, mucido-biliola & semi-digesta, circa primas vias ut plurimum hærens atque chylicationis negotium eximie turbans, aut in vasis etiam meseraicis ipsaq; Vena Portæ visceribusque quæ transit, ob febrem priorem, justo citius suppressam turbatamque, adhuc resistans & motum sanguinis circulatorium gravissime retardans. Talis autem peccans materia, cum tam diversæ sit conditionis atque indolis, utique diversos quoque motuum gradus, si perfectè eliminari debet, requirit: *Quantitas* enim sanguinis *superflua*, si imminuenda est, non nisi per motus auctiores succussatorios, orgasticos & conquassatorios resolvi atque in serum converti debet, qui, si debito ordine & modo à Naturâ applicantur, communiter typum continuæ febris formant & inducunt: *Qualitate* autem depravatus hic *humor*, ubi præprimis vitium tale ex primis viis à crassiore quadam *saburrâ* prægravatis, contraxit, vix unquam alio modo repurgari potest, nisi motibus febrilibus restrictoriis alternativè repetitis, auctiorem ejusdem progressum ipsosque actus se- & excretorios, vegetè promoventibus & facilitantibus, typumque intermittentis cujusdam febris exprimentibus.

§. XVI.

Hinc Natura, provida ista corporis sui medicatrix, (quæ *efficientem* simul gravioris hujus morbi *causam* repræsentat,) si sanguinis sinceri pariter atque aliarum crassiorum impuritatum copia prægravata sit, & à singulis hisce molestis materiis fragile suum domicilium repurgare intendat, necessario intermittentem & continuam febrem, pro obtinendo isto scopo, conjunctim excitatas, in subsidium vocare cogitur, & quidem eo præprimis ordine, ut, ob Plethoram manifestius urgentem, continua typum *quotidianum*

num, intermittens vero *tertianarium* assumat, ex quo deinde fit, ut patientes à tertio ad tertium diem semper *completum* & graviolem, inter mediis vero diebus *in completum* ac leviolem experiantur paroxysmum, quoniam tunc *tertiana* & quotidiana simul, his vero sola quotidiana, consuetas suas solent formare exacerbationes.

§. XVII.

Duplex autem talis respectus & intentio principii nostri vitalis, sanguinem abundantem imminuendi & depravatum corrigendi atque depurandi, *formalem* hujus morbi causam sistit, ipsumque insimul graviolem ac diuturniorem reddit: Multiplicati enim fines semper majores involvunt difficultates, pluribusque expositi sunt impedimenti, quam simplices, & propterea morbum vel justo diutius protrahunt, vel plus, quam par est, exasperant, præprimis si alia insuper causarum genera ultro sese ipsis conjungant. Sic ex *causarum occasionalium*, & quidem *remotarum* classe huc accedunt *ætas*, *temperamentum* & *sexus*, quæ noxiam istam plethoram non solum frequentius generando, sed & saburram bilioso-mucidam coacervando, sicque primis viis gravissimas injurias inferendo, non parum ad affectus hujus periculosi provocationem contribuunt. *Proximiore* vero causas ipsum *anni tempus* & *subjectorum ægrotantium vitæ genus* præ aliis maxime sistunt; Illud enim ob consuetam humido calidam aeris intemperiem, autumnali tempore maxime conspicuam, secretionibus ordinatis non solum gravissima solet objicere impedimenta, sed & ad exagitandam & orgasticè commovendam præsentem jamjam plethoram, multum insuper contribuere, atque Naturam ad introducenda ejusmodi febrium schemata excitare; hoc vero ob insignes, qui in *moralibus* pariter atque *vitalibus* committuntur errores symbolum suum itidem vel maxime huc confert: *Animi* enim *commotiones*, præsertim iracundæ, ante, sub vel post pastum perpeßæ, non solum orgasticas sanguinis jamjam superflui ebullitiones produciunt, sed ipsas quoque primas vias im-

puri-

puritatibus multis biliosis & crassioribus mucidis inquinant, ut ab his demum & ab Orgasmo sanguinis pręgrava-
ta Natura, vix alio quodam modo, nisi per febrem ejus-
modi mixtam sibi consulere suumque corpus ab interitu
imminenti vindicare queat.

§. XVIII.

Inprimis autem vitia circa *dietam* commissa morbum
istum vel maxime accelerare & augere solent, chylicatio-
nis nempe negotium extreme turbando & lādendo atque
infignem variarum impuritatum copiam ad M. S. transfe-
rendo, sicque crasin ipsius in totum depravando; hinc,
quisquis etiam fuerit, recte tamen dixit: *Intemperantia nu-
trix Medicorum!* Huic enim qui favent, ut plurimum non
solum citius in manus Medicorum incidunt, sed sapissime
quoque proprii corporis interitum accelerant, juxta tri-
tissimum illud:

Ense cadunt multi, sed perimit crapula plures.

Exempla hujus rei permulta in promptu sunt, pluresque
tales gulosi quotidie occurrunt, qui genio depravato indul-
gentes corpusque totum vino implentes, aut pręgressam
febrem leviolem spirituosum hujus liquidi madore suffocan-
tes, tandem gravissimo tali Hemitritæo obruuntur, testi-
monio illius juvenis, cujus Semitertianam, sævissimis acci-
dentibus stipatam, sæpe laudatus FORESTVS in *Lib. V. Observ.*
fusius descripsit. Pariter quoque res sese habet cum
otiosis & pigritiæ studiosis, qui si cibis lautis & pinguiori-
bus insuper utantur, laborem vero omnem in totum aver-
sentur, bilem non minus quam sanguinem adaugere, sic-
que gravissimo huic morbo fomitem aptissimum submi-
nistrare solent.

§. XIX.

Prognosis denique quod concernit, illa in morbo tam
incipiti, vix alia, quam anceps, esse potest, præprimis ob
complicationem finium, quam vix unquam salutaris fe-
brium quarumcunque decursus subsequitur, quin potius
eventus à Medici voto planè alienus accidit. Motus
enim in illis, & maxime in nostrâ febre occurrentes, certo

respectu sibi contrariantur, typumque inconstantem & magis periculosum reddunt, ita ut neutri ex concurrentibus morbis exquisitè statim satisfieri queat, quoniam sanguinis impulsus progressivus acceleratus, resolutorium & conquassatorium scopum intendens, qui ad febrem continuam alias requiritur, placidis atque successivis istis motibus se- & excretoriis, feбри intermittenti propriis, maximè adversatur, morbumque simul graviolem efficit. Hinc etiam GENTILIS Hemitritæum omnem, optime, portitorum periculorum dixit, & GARIOPONTVS in *Libro suo Pajfionario*, ipsum potius divinâ quam humanâ manu curari pronuntiavit, Deoque solo curam ejusdem relinquendam esse judicavit, quoniam febrem maxima ex parte lethalem exhibet. Confer. & HIPPOCR. 1. *Epid. Sect. 3.*

§. XX.

At omnia hæc Medicum rationalem & cordatum minimè deterrere debent, quo minus ægrotantibus hisce suo assistat auxilio & consilio; sæpius enim contingit præter mentem aliorum, ut tales pristinæ restituantur sanitati, & ab ejusmodi morbis perfectè sanentur, qui alioquin à doctissimis Medicis lethales judicantur. Hinc, quoniam insuper ad chronicorum magis quam acutorum morborum indolem accedit noster affectus, & secundum AVICENNAM sæpius ad septimum usque mensem protrahitur, Medico propterea majus deliberandi spatium relinquitur, ut necessaria non solum invenire, sed debite quoque applicare valeat medicamenta. Caveat autem insimul, ne ullas pernicioso huic hosti concedat inducias, sicque gravioribus aliis morbis, presso pede ipsum insequentibus viam pandat, quoniam communiter, si tardius moveatur talis morbus, etiam tardius tandem finitur, atque viribus successivè exhaustis tandem in perfectos chronicos morbos, Hydropem nempe Phthisin aut Hecticam convertitur. vid. BAGLIV. *Prax. Med. L. 1. p. 55.* Quod si vero Erysipelas viscerum adsit, facile in gangrænam mutabitur.

§. XXI.

Similiter quoque cautè de *excretionibus* huic feбри solenni-

nibus judicare & cautius ipsas tractare debet Medicus: *Diarrhææ* enim & vomitus biliosi in principio morbi statim oborientes, Naturamque viribus jamjam destitutam offendentes, raro salutarem, sed certius lethalem præfagiunt eventum, tanto magis si nigricans & veluti corrupta apparuerit biliosa talis saburra, aut coctio nulla hætenus observata fuerit in urinâ, ita enim HIPPOCRATES noster *Sect. IV. Aphor. 22.* inquit: *Morbis quibuslibet incipientibus, si atra bilis vel infra vel supra exierit, lethale; & Lib. I. Epidem. aperte dicit: Quando post morbi coctionem aliquid humorum vitiosorum excernitur, tunc corpus ex natura purgat: & propter hoc atra bilis, & alius omnis hujusmodi humor, ubi signa coctionis in morbi processu apparuerint, bonam significat evacuationem; si vero aliter, sine signis coctionis, exitialis est casus.* E contra ubi vomitus & excretiones tales nigricantes subjectis illis etiam extra morbum evenerunt, ibi haud adeo periculosi, nedum plane lethales sunt: Quam plurimos enim spleneticos ex confluxu humoris melancholici à liene ad stomachum transeuntis, ejusmodi vomitu laborasse, & materiâ ad intestina divertente, per alvum illam copiosè dejecisse, & tamen curatos fuisse, testatur FORESTVS l. c. *Observ. 15. in Schol.* Sic quoque, si post atræ bilis excretionem multa etiam pituita evomatur, melius semper sperare licet, jubente ita HIPPOCRATE *Prædict. 32.* *Vomitio utilissima est, si pituita bile permixta fuerit: sincerior enim deterior; nigræ namque dejectiones, carbonum non nisi colorem referentes, veramque simul corruptionem ostendentes, pessimi tantum sunt ominis, quod etiam de singultuosis, lipothymicis, syncoticis, & omnis generis convulsivis affectibus, huic feбри supervenientibus, ipsiusque decursum salutarem planè invertentibus, eodem jure valet.*

§. XXII.

Utut autem ab excretionibus hisce, inprimis præcioribus, patientes parum vel nihil se levati sentiant, (quod equidem rarius evenire novimus,) tamen nullo modo per artem statim cohibendæ & restringendæ sunt: Nemo enim Medicorum (ut FORESTI verbis utar) ubi copia vitiosorum humorum concitaverit, mox initio aut confertim ea, quæ efferuntur, cohibe.

*bibere aggreditur: inutilia enim cum sint, evacuatione indigent. Medicus autem, Hippocrate & Galeno auctore, Naturæ, quæ re-
tè, non malè agit, æmulus esse debet, ac minister. Hinc à præ-
maturè suppressis hisce excretionibus semper majus i-
Prognosi pertimescendum est periculum, quam ab exce-
dentibus & fronte procedentibus, quippe quæ, si circa sta-
tum morbi & in ægrotantibus de cætero adhuc robusti
obtingant, haud rarò salutarem introducere solent esse
etum, qui è contra, deficiente excretionem *seri*, præcipue
per vias urinarias, si nimirum urina paucissima & valde
limpida procedat, tere semper periculosus & lethalis erit.
Denique quoad Prognosin ex urina desumendam notetur
quod, si ea crassescat, cum antea splendida fuerit, rem sa-
luti fore indicet, & quamprimum livor tingit vitrum, in-
cipiens coctio significetur, & jam apparente sedimento
solutio morbi instet.*

§. XXIII.

De reliquo, febrem hanc, ubi sub epidemicâ quâdam
larvatione procedit, præprimis autem Pestis tempore oc-
currit, deterioris semper indolis esse, superius jam jam, ex
observatione BENEDICTI FAVENTINI & prælaudati FORESTI,
monuimus. Sic etiam subjecta evidentius cholERICA &
plethorica gravius semper affligit, sed simul etiam citius in
ipsis decurrit, quam in pituitosis & melancholicis. Quod si
verò mitius tractetur, tunc post quintum vel sextum pa-
roxysmum communiter in febrem tertianam intermitten-
tem transit, atque sub ulteriori prudenti medicatione tan-
dem perfecte remittit; nisi hæc forsitan nimis ab sorben-
tibus, terrestribus aut planè adstringentibus medicamen-
tis tractata fuerit, ubi perfacile in Hecticam perfectam
degenerare solet; quemadmodum sub medicatione præ-
posterâ calidâ, accedente inprimis perverso regimine, non
rarò in acutam impetuosam, aut inflammatoriam febrem,
præcipue autem Phrenitidem & Paraphrenitidem, nec non
febrem mesentericam, monente BAIGLIVIO *Oper. Med. p. 642.*
convertitur, atque tunc lethalem ut plurimum eventum
fortitur. Ex quibus omnibus nunc inter se collatis cir-
cum-

cumstantiis evidentissime apparet, **HEMITRITÆVM** esse febrem quandam ex *Tertiana* intermittente & quotidiana continua compositam, paroxysmos quolibet quidem die formantem, sed de tertio ad tertium semper gravius, reduplicato etiam horrore, cum symptomatibus terrificis affigentem, nunc ab intestinorum tenuium ipsiusve ventriculi statu erysipelaceo, nunc à congesta nimium circa primas vias cacochilia putri, productam.

§. XXIV.

Restat nunc ut ad ipsam mali hujus fontici therapiam accedamus, quæ quidem pro variante causa antecedente prudenter varianda, nempe sub Inflammatione viscerum erysipelacea ætus nimius vel præ caveatur, vel minimum supprimatur, id quod actutum V. S. ventilatoria, etiam repetita, si effervescentia S. cum vigiliis, delirio, aut Cephalalgia ferociat, præstabit, succedentibus post julapiis & victu humectantibus simulque Cardiacis, quibus aph. 16. S. 1. primas merito defert. Sub apparatu vero magno Cacochiliæ putris in mesenterio reliquisque primis viis, saburra bilioso mucida leniter & successive eliminetur per decoct. tamarindinat. c. fol. Sen. per enemata, fatusque emollientes blandeque stimulantibus calide toti ventri impositos, sedulo cavendo cuncta purgantia & diaphoretica M. S. nimis commoventia, quibus vehiculum humoris peccantis subducitur, postea ita lentescens, ut pix fiat, adeoque in mortem præcipitet patientem, juxta *Aphor. 23. 24. S. IV.* Crisis namq; in hac febre per dejectionem non sudationem, expectanda. Quibus sic observatis, in progressu morbi, ad occurrentia symptomata arcenda, tollenda, sequentes inservire poterunt indicationes. I. Ut materia bilioso-mucosa, typum talem febrilem non quidem exacte producat, sed pertinaciter tantum sustentans, debite præparetur, & spontanea ejusdem evacuatio convenienter adjuvetur. II. Ut symptomata febrilia urgentiora mitigentur. III. Primæ viæ hætenus valde debilitatæ iterum roborentur, & IV. Motus ipsi febriles, ob diuturnam continuationem forsitan habituales facti, prudenter cohibeantur & in pristinum flatum naturalem redigantur.

§. XXV.

Primæ igitur indicationi obtinendæ favent inprimis remedia incidentia, abstergentia & resolventia, maxime autem Θ ia media & digestiva cum paucis absorbentibus remiscenda, v. g. \mathcal{R} . \mathfrak{F} i \mathcal{O} lat, Arcan. dupl. Cremor. \mathfrak{F} i \mathcal{O} i \mathfrak{g} iat. ana \mathfrak{z} ij. Ocul. canc. ppt. \mathfrak{z} ss. M. F. Pulvis divid. in IX. p. æ. D. S. erweichende Pulver, davon gleich bey abnehmenden Frost, und sonst Abends, eins mit Bier zu nehmen. Similem effectum quoque exserunt vegetabilia, v. g. Radic. Angel. Levist., alb., Ari. Gent. r. Herba Capill. \mathfrak{z} is, Scord., C. B., Trifol. fibr., Agrimon., Ceterach, Absynth., Chamædr., Cent. min. &c. quæ vel in forma infusorum vinosorum, & theeformium, vel *Essentiæ* cujusdam, proxime ante paroxysmum commodissime ordinari possunt, ad hunc fere modum: \mathcal{R} . Essent. Gent. r. Angel. Pimp. alb. ana \mathfrak{z} ij. Essent. Trifol. fibr. C. B. Absynth. ana \mathfrak{z} iß. M. D. ad Vit. S. Magen reinigende Mixtur, davon alle Morgen früh vor dem Paroxysmo 36. Tropfen in etwas Thee oder Fleisch-Brühe zu nehmen.

§. XXVI.

Alteri indicationi satisfieri potest per medicamenta partim excretiones intempestivas & nimias moderate refrænantia, partim etiam motus febriles orgasticos, aliosque anomalicos convenienter temperantia. *Prioribus* annu-meramus stomachica omnia temperatiora, amara & roborantia, paucis tonicis vel \mathfrak{A} liislibus maritata; v. g. \mathcal{R} . Ess. aromat. Wed. \mathfrak{z} ij. \mathcal{U} tus Menthæ essentif. Maltich. ana \mathfrak{z} j. Vitriol. \mathfrak{z} t. \mathfrak{z} ss. M. D. ad V. S. Magen stärckende Es-senz, davon nach überstandenen Frost, bey allzuheftigen Bre-chen, 40. Tropfen mit etwas warmen zu geben. Quibus vero hæc forma non arridet, illi Corticem Cascaril. pulverisa-tum prioribus pulveribus digestivis ad gr. v. prodosi com-miscere & ita alternis horis propinare possunt. Atheria-calibus vero, opiatis, aliisque generosioribus anodynis, typum febrilem magis confundentibus, sedulo abstinen-dum est. Ad *posteriores* classen pertinent remedia tem-peran-

perantia, nitrofa, diluentia atque diapnoica, juxta diver-
 fam paroxysmorum constitutionem etiam diversimode
 combinanda & juxta methodum in quotidiana & tertiana
 intermittente alias consuetam, ordinanda: Compositas e-
 nim febres non solum compositis medicamentis, sed &
 secundum normam simplicium semper curare necesse est.
 Hinc initio paroxysmi frigore urgente, non solum frictiones
 calidæ sedulo applicandæ, sed & alexipharmaca & resollen-
 tia moderatiora propinanda & singulis ternis horis repe-
 tenda sunt, quo scopo non solum *Mixtura* ista *stomachia* in-
 præced. §. commendata, optimè conducit, sed potest et-
 iam alia, si lubet, præscribi, in hunc modum: ℞. Essent.
 Imperator. Levist. Angel. aua ʒiʒ. Pimp. alb. Scord. ana ʒj.
 M. D. ad Vit. aut ℞. TRæ bezord. Mich. ʒiij. Œtus be-
 zoard. Buss. ʒiʒ. M. D. ad Vit. S. Besondere Sieber-Essenz,
 davon so gleich bey verspührenden Frost 36. Tropfen mit Bier
 zu geben, und biß zum Anfang der Hitze alle 3. Stunden zu
 wiederholen. Ad moderandum vero æstum, restingven-
 dam sitim, temperandam Cephalalgiam & reliqua sympto-
 mata mitiganda, conducunt inprimis pulveres cinnabari-
 ni cum ☉e quodam digestivo remiscendi, & ad ʒj. singu-
 lis ternis horis exhibendi, ut & *potiones* ex ∇is diapnoicis
 & temperantibus, videl. C. B., Scrod. Scabios. Flor. Samb.
 Til., Ceras. nig., Plantag., parandæ & cum Syrupis acidu-
 sculis, aut pauxillo ʒii diaphoret. combinandæ & singulis
 horis ad 2. vel 3. cochlearia assumendæ; quibus crebrior
 iste medicamentorum usus nimium molestus videtur, illi
 ad minimum potui consueti (qui tenuior semper, nec
 nimium frigidus esse debet,) acidula immisceant, v. g.
 Œtum ☉i & ☉li dulc., TRam flor. bellid. & Rosar. ☉la-
 tas, Clyff. ʒii, Succum Citri, aut loco hujus Infusum
 Thee, vel Herba Veron. non nimium saturatum & cali-
 dum, sæpius hauriant, sub continentia tranquilla, in quan-
 tum possibile est, se se servant, & remittente paroxysmo su-
 dorem sponte provenientem cum regimine temperato
 diapnoico adjuvent, aut difficulter erumpentem per mo-
 derate resolventia & diaphoretica, inprimis autem per
 dosin

dofin aliquam prioris Effentiæ antifebrilis, placidè pr
moveant.

§. XXVII.

Tertia postmodum *indicatio*, quæ non nisi in declin
tione morbi expedienda est, obtinetur per consueta st
machica, abstergentia, amara & ♂tialia correctiora aliaq
tonica, quo nomine non solum Essentiam stomachicam
§. XXVI. commendatam, sed & TRam Oli ♂tis Ludo
TRam ♂tis cum succo pomor. MRam polychrestam Stal
Elix. P.P. aliaque roborantia, ter vel quater per diem a
xxx. vel xl. gtt. exhibenda, aut Infusum quoddam vini
fum, ex Herbis capillaribus aliisque vegetabilibus reso
ventibus & amaris paratum, singulis diebus ad ℥ij. vel i
assumendum, suademus.

§. XXVIII.

Quarta denique *indicationi*, in casu extremæ uecessitatis, si præprio
materia peccans sufficienter evacuata sit, motus autem febriles longo usu & con
nuatione fere habituales appareant, & ultro pertinaciter perennent, satisfieri p
terit per anodyna correctâ, v. g. Pilulas VVildegansianas & Starckeyanas genu
nas, vespertinis horis, ante novam exacerbationem assumendas, aut subadstri
gentia moderata, v. g. Crocum Martis teneriorem Sthalii, pulverem Febrif
gum Kergeri ex carbonibus fossilibus paratum, cujus mentio facta est in *Anna
Medico-Phys. VVratislav, Ao. 1721. M. Junio Class. IV. Artic. 15.* aut ipsum e
iam summum, sed simul anceps illud Febrifugum modernum, Corticem Ch
na Chinæ, ea inprimis formâ, quâ â Celeberr. HOFFMANNO in *Dissert. q
Praxin clinicam & compendiosam febrium, cum cautelis exhibet*, sub Tractation
febris tertianæ commendatur, aliquoties assumendum.

§. XXXIX.

De reliquo *præservationis* gratia caveant sibi ejusmodi subjecta ab im
moderationibus quibusvis animi & corporis commotionibus, abstineant â c
bis pingvioribus, mellitis, bilem & pituitam multam generantibus inprim
leguminosis, & ipsis piscibus : è contra vero panem optime fermentatum, ca
nes hædinas, vitulinas, cuniculos & gallinas juniores, capones, perdices, avic
las montanas, elixas pariter & assatas, cremorem hordei, avenam & hordeu
excorticatum, una cum oleribus tenerioribus consvetis, in victu ordinario ac
hibeant, V.Snes & scarificationes ordinarias temporibus æquinoctialibus, sedul
repetant, nec unquam negligant, alvum semper apertam servare studeant, ac
interdum laxationes per epicrasin subjungant, vinique & veneris usum
moderatissimum, vitæ genus autem agile & laboriosum sibi
commendata habeant.

T A N T V M.